

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA

No. 13 Persiaran Perdana, Presint 2,
62623 Putrajaya

No. Telefon : 03-8882 5562

No. Fax : 03-8882 5569

PELANCARAN PROGRAM FOOD BANK SISWA UNIVERSITI MALAYSIA SABAH

KOTA KINABALU, 10 MEI 2019 – Inisiatif Food Bank Siswa yang berkonsepkan “*From the Students to the Students*” di mana Kementerian Perdagangan Dalam Negeri dan Hal Ehwal Pengguna (KPDNHEP) selaku peneraju program ini mengalu-alukan pelajar yang ingin terlibat dalam melaksanakan Food Bank Siswa terutamanya dari persatuan-persatuan pelajar untuk sama-sama membantu golongan pelajar yang memerlukan. Ini kerana, Kerajaan melalui KPDNHEP ingin memastikan pelajar sebagai pelapis pemimpin negara dapat menimba lebih banyak pengalaman dalam pelaksanaan program kebajikan seperti ini. Ianya juga adalah bagi memupuk semangat sukarelawan di samping dapat bergiat aktif dalam aktiviti yang dijalankan di universiti.

Universiti Malaysia Sabah (UMS) adalah universiti ke-9 sejak Program Food Bank Siswa ini dilancarkan. Ianya telah dilaksanakan di Universiti Kebangsaan Malaysia (UKM) Cheras, Universiti Malaya (UM), Universiti Teknologi Mara (UiTM) Pulau Pinang, Universiti Putra Malaysia (UPM), Universiti Teknologi Malaysia (UTM) Skudai, Universiti Sultan Zainal Abidin (UniSZA), Universiti Teknologi Malaysia (UTM) Kuala Lumpur dan Universiti Malaysia Sarawak (UNIMAS).

Terdapat 433 orang pelajar dari UMS yang telah dikenalpasti dan layak menerima bantuan daripada program ini. Pihak GCH Retail Sdn Bhd (Giant Hypermarket), Chua Kah Seng Sdn Bhd (CKS Supermarket) dan Adabi adalah sebagai penyumbang utama kepada program ini. Rakan strategik utama bagi Program Food Bank Siswa peringkat UMS ialah Food Aid Foundation dan digerakkan oleh Majlis Perwakilan Pelajar (MPP), Gerakan Pengguna Siswa (GPS) dan Sukarelawan Pelajar dengan menggunakan konsep *Food Pantry* dan *Central Kitchen*.

Program Food Bank Siswa dilaksanakan susulan daripada keputusan Mesyuarat Majlis Tindakan Sara Hidup Negara (NACCOL) pada 15 Februari 2019, Kerajaan telah memutuskan untuk meluaskan Program Food Bank Malaysia yang dikendalikan oleh Kementerian ini ke institusi pengajian tinggi awam seluruh negara. KPDNHEP telah menyusun satu pertemuan yang dipengerusikan sendiri oleh YB Menteri KPDNHEP dengan semua Naib Canselor IPTA yang berlangsung pada 4 Mac 2019 bagi membincangkan pelaksanaan program ini di peringkat universiti.

KPDNHEP juga membuka ruang seluas-luasnya kepada semua pihak untuk turut serta dalam menjayakan program ini agar sumbangan ini mampu memberikan sinar baharu kepada mahasiswa yang sedang menuntut ilmu di universiti. Ini adalah bagi membantu meringankan beban kos sara hidup mahasiswa golongan B40.

KPDNHEP percaya semangat kesukarelawan yang tinggi dapat dibentuk menerusi program ini dan berharap inisiatif ini dapat diperluaskan ke Institusi Pengajian Tinggi Swasta (IPTS), Kolej Universiti, Maktab Perguruan dan lain-lain institusi. Bagi yang berminat boleh menghubungi Sekretariat Food Bank Malaysia KPDNHEP seperti berikut:

**Sekretariat Food Bank Malaysia
Kementerian Perdagangan Dalam Negeri dan Hal Ehwal Pengguna
No. 13, Persiaran Perdana, Presint 2, 62623 Putrajaya**

**Tel : 03 88826887
Faks : 03 88825981 / 5941
Emel : foodbankmalaysia@kpdnhep.gov.my**

#
